

ՍՓՅՈՒՌԱՆԸ ԿՅԱՆՔ ԺԻՅՆԻ ԶԱՐԱԲԵՋՆԻՔԻ ԱՐՄՅԱՆ

1

ՄՇԱԿՈՒԹԱՅԻՆ ԵՎ ՀԱՍԱՐԱՆԱԿԱՆ ԿՅԱՆՔԸ ՍՓՅՈՒՌԱՆԸ

(1966 թ. հուլիս-դեկտեմբեր)

Բ Ո Ւ Լ Ղ Ա Ր Ի Ա

Պլովդիվի հայկական թատերական կուլեկտիվը Սիլվենի հայ մշակույթի տանը հաջողությամբ ներկայացրել է Հ. Պարոնյանի «Մեծապատիվ մուրացկաններ»-ը:

«Երևան», 24 հունիսի

• • •

Յամպուի ընթերցարանի Կարմիր սրահում դեկտեմբերի 24-ին կազմակերպվել է Սիամանթոյի կյանքին ու ստեղծագործությանը նվիրված դասախոսություն: Դասախոս՝ Ա. Պերպերյան:

«Երևան», 20 հունվարի 1967

• • •

Բուլղարիայում այժմ ապրում են շուրջ 25000 հայեր:

Բուլղարիայի ամենից ավելի հայաշատ գաղութը Պլովդիվն է: 1945—46 թթ. 4500 հայեր մեկնել են Սովետական Հայաստան: Գաղութը ունի զանազան ինքնագործ խմբեր, մեկ շաբաթաթերթ՝ «Երևան», 5000 տպաքանակով, «Երեվան» մշակութային միությունը Սոֆիայում, զրադարաններ, ակումբներ և այլն:

«Էրաբեր», 6 օգոստոսի

• • •

Սոֆիայի հայկական «Երևան» ակումբում նոյեմբերի 4-ին տեղի է ունեցել հայկական մեծ հեղափոխության 49-րդ տարեդարձը:

«Երևան», 11 նոյեմբերի

• • •

Նոյեմբերի 29-ի 46-րդ տարեդարձը մեծ շուքով տոնվել է Ռուսնում, Վառնայում, Սիլվենում, Յամպուում, Այթոսում, Բուրգասում, Բազարչիքում, Եմմենում, Սիլիստրայում և այլ քաղաքներում:

«Երևան», 16 դեկտեմբերի

• • •

Վառնայի «Երևան» շքանշանակիր թատերախումբը Սոֆիայում ներկայացրել է Շիրվանզադեի «Փառս»-ը:

«Երևան», 23 դեկտեմբերի

Ջ Ե Ն Ո Ս Լ Ո Վ Ա Կ Ի Ա

Հուլիսի 16-ին Պրագայում մահացել է անվանի հայագետ, պրոֆ. Նշան Մարտիրոսյանը: Նա երկար տարիներ վարել է Պրագայի համալսարանի արևելյան լեզուների ամբիոնը:

«Արև», 29 հուլիսի

• • •

Զեխական «Պրագա-Մոսկվա» ժուռնալի 1966 թ. երրորդ համարը նվիրված է Հայաստանին: Համարը բացվում է Հայաստանի մասին էյուզմիլա Մոտալովայի ընդարձակ հոդվածով: Բերված են Պլուտարքոսի, Անատոլ Ֆրանսի, Բայրոնի, Բրյուսովի ասույթները Հայաստանի մասին, Վ. Դրոսմանի գրքից փոքր հատված:

Բյուրականի աստղադիտարանի մասին հոդվածի հեղինակն է Յոզեֆ Կլայրը: Արվեստագետ Հ. Իդիթյանը ծանոթացնում է Հայաստանի նկարիչներին հետ: Մի առանձին բաժին վերնագրված է «Հայ գրականության փոքրիկ անթոլոգիա», որտեղ տեղ են գտել հորենացի ու Նարեկացի, Սայաթ-Նովան, Թումանյանն ու Տերյանը, Չարենցը. Բակունցն ու Շիրազը:

«Էրաբեր», 9 օգոստոսի

Լ Ե Հ Ա Ս Ա Ն

Լյուբլինում լույս է տեսել լեհ հայագետ Միրոսլավա Զակչևսկա-Դուրասովայի «Հայերը Զամոստիայում և նրանց գերը լեհաստանի և Արևելքի միջև աստիճանական ու մշակութային կա-

պում» գիրքը: Աշխատությունը բաղկացած է ներածականից, տասը ընդարձակ գլուխներից և հավելվածից:

«Պայքար», 9 հունիսի

Ս Ի Ր Ի Ա

Դամասկոսի Ազգային թարգմանչաց ճեմարանը կազմակերպել է դասախոսություն՝ նվիրված նոյեմբերի 29-ի պատմական անցքին:

Ճեմարանի տեսչությունը «որոշած է մասնավոր ծրագրով ու հայտագրով վառ պահել մշակութային կյանքը դասախոսություններու շարքով մը: Դասախոսությունները պետք է լինեն պատմական, մշակութային, տնտեսական և քաղաքական հարցերի շուրջը:

«Արարատ», 16 դեկտեմբերի

Ա Մ Հ

Ալեքսանդրիայի «Տիգրան Երկաթ» հայ ուսանողական մարմինը հուլիսի 16-ին հանդիսավորությամբ տոնել է իր հիմնադրման հիսնամյակը: Այս կապակցությամբ շնորհավորական հեռագրեր են ստացվել Հայաստանից, Կանադայից, Ավստրալիայից, Կահիրեի, Ալեքսանդրիայի մշակութային միություններից և այլն:

«Ջահակիր», 28 հուլիսի

• • •

Կահիրեի Հայ գեղարվեստական միության «Թեքեյան» սրահում կազմակերպվել է երեկոյթ՝ նվիրված զորավար Անդրանիկի ծննդյան տարեդարձին: Բանախոսել է Նուպար Քյուփեռլյանը:

«Լրաբեր», 3 դեկտեմբերի

• • •

Կահիրեի հայկական ընթերցասրահի վարչությունը նոյեմբերի 29-ին կազմակերպել է Սովետական Հայաստանի ազատագրման 46-րդ տարեդարձին նվիրված հանդիսավոր երեկո, որին մասնակցել են պետական պաշտոնյաներ, մամուլի ու մտավորականության ներկայացուցիչներ և մեծաքանակ բազմություն:

«Արարատ», 9 դեկտեմբերի

• • •

Կահիրեում տեղի է ունեցել հայ մեծանուն կոմպոզիտոր Ալ. Սպենդիարյանին նվիրված երեկո: Հանդեսին մասնակցել են նաև տեղի «Թաթուլ Ալթունյան» երգչախմբի մենակատարները:

«Երևան», 9 դեկտեմբերի

• • •

Կահիրեի Թորգոմյան մատենադարանը հիմնրվել է 1864 թ. և ունի 150 հազար գիրք: Թորգոմյան մատենադարանի ամենահին գիրքը 1640 թ. հրատարակված գիրքն է: Այնտեղ կան XIII, XIV և XV դարերի բազմաթիվ արժեքավոր ձեռագրեր: Մատենադարանը ունի հայկական օրաթերթերի, շաբաթաթերթերի և պարբերականների հարուստ հավաքածուներ՝ սկսած 1860 թ.:

Մատենադարանը կապեր է հաստատել Հայաստանի և արտասահմանի հայկական գրեթե բոլոր գրադարանների հետ:

«Հառաջ», 18 դեկտեմբերի

• • •

Եգիպտոսում բացվել է նկարչական ցուցահանդես, որին մասնակցում էին արարական յոթ երկրների 56 ներկայացուցիչներ: Յուրաքանչյուր երկրից ընտրվել է առաջնության արժանի մեկ կտավ: Եգիպտոսից առաջնություն է նվաճել քսանամյա Նորայր Ասլանյանի «Նեղոսյան համանվազ» աշխատանքը: Ասլանյանը Հայ գեղարվեստասիրաց միության երիտասարդական շարժման ղեկավարներից է:

«Հայրենիքի ձայն», 12 փետրվարի, 1967 թ.

Լ Ի Ր Ա Ն Ա Ն

Լիրանանի Ջահլե քաղաքում կառուցվում է հայ մշակութային տունը, որտեղ հատուկ բաժին է հատկացվելու հայ երիտասարդաց ընկերությանը:

«Սևան», 10 օգոստոսի

• • •

Նոյեմբերի 27-ին Բեյրութ է ժամանել Հայաստանի Գ. Սունդուկյանի անվան պետական սկզբնական թատրոնի խումբը: Թատերախումբը բացի ներկայացումներից կազմակերպել է ասմունքի երեկոներ, հանդես է եկել հեռուստացույցով, հանդիպումներ է ունեցել աշակերտության հետ, ծանոթացել է երկրի տեսարժան վայրերին:

«Ջարթունք», 9 դեկտեմբերի

• • •

Բեյրութի Գ. Կյուլպենկյան սրահում դեկտեմբերի 5-ին տեղի է ունեցել ասմունքի երեկո Սունդուկյանի անվան թատրոնի ղեկավարներ Վ. Փափազյանի, Ա. Ավետիսյանի, Գ. Հարությունյանի, Մ. Սիմոնյանի, Թ. Դիլարյանի, Վ. Վարդերեսյանի, Բ. Ներսիսյանի, Ժ. Էլոյանի

և Վ. Աբաջյանի մասնակցությամբ, Երեկոն անցել է մեծ հաջողությամբ:

«Զարթոնք», 6 դեկտեմբերի

• • •

Բեյրութի հեռուստատեսությունը մեկ ժամ նվիրել է հայ մշակույթին: Հաղորդվել են Սայաթ-Նովայի բանաստեղծությունները, հայկական պարեր ու երգեր, հեռուստադիտողներին ծանոթացրել են եգիպտահայ տաղանդավոր նկարիչ Աշոտ Զորյանի հետ:

«Երևան», 9 դեկտեմբերի

• • •

Բեյրութի ազգային երաժշտանոցի սրահում բացվել է «Ժողովրդային կրթությունը սովետական Հայաստանում» ցուցահանդեսը:

Ցուցահանդեսի բացմանը ներկա են եղել կրթական նախարարության ընդհ. տնօրեն պր. Ֆ. Սավայան, լիբանանում Սովետական Միության դեսպան Պ. Դեղուշկինը, լիբանանահայ կրթական, հանրային գործիչներ, թղթակիցներ և այլք:

«Զարթոնք», 27 նոյեմբերի

Ի Ր Ա Ք

Իրաքի Հայկական բարեգործական ընդհանուր միության նորաստեղծ հայկական երգի-պարի խումբը «Խուլդ» ամսալստի սրահում ունեցել է իր անդրանիկ ելույթը:

Հանդեսին մասնակցել են Իրաքի նախարարներ, պետական պաշտոնյաներ, դիվանագիտական ներկայացուցիչներ: Խմբի ելույթը անցել է մեծ հաջողությամբ:

«Հայրենիքի ձայն», 13 նոյեմբերի

• • •

Բազմազան Գալուստ Կյուլպենկյան հիմնադրությունը կազմակերպել է մշակույթի տասնօրյակ, որին մասնակցել են Պորտուգալիայի «Գալուստ Կյուլպենկյան» սիմֆոնիկ նվագախումբն ու Լրգախումբը և լիբանանահայ երգի-պարի անսամբլը:

Մշակույթի տասնօրյակի փակման հանդեսին մասնակցել է նաև Իրաքի հանրապետության նախագահ Արեֆը:

«Նոր օր», 20 դեկտեմբերի

• • •

Բազմազան տեղի է ունեցել գրական-գեղարվեստական երեկո՝ նվիրված Պետրոս Դուրյանին և Մատթեոս Զարիֆյանին:

«Արարատ», 29 դեկտեմբերի

13 Հանդես, № 1

Կ Ի Պ Ի Ո Ս

Նիկոգիայում ՍՍՀՄ դեսպանատանը ցուցադրվել են Սովետական Հայաստանի ֆիլմերը՝ տեղի հայկական համայնքի համար, ներածական խոսքով Կիպրոսի հայկական համայնքի ներկայացուցիչներին է դիմել Կիպրոսում ՍՍՀՄ արտակարգ ու լիազոր դեսպան Պ. Կ. Օրմոչինը: Հայկական ՍՍՀ հնգամյա նոր պլանի մասին զեկուցել է դեսպանության աշխատակից Աբգարյանը:

«Լրաբեր», 16 հուլիսի

Ի Ր Ա Ն

Երեքհարյուրամյա պարսկահայ գաղութը, ըստ թերթի, ունի 120000 բնակչություն, որից 85 հազարը գտնվում է Թեհրանում. այստեղ կան 26 նախնական և միջնակարգ դպրոցներ՝ քսան հազար աշակերտներով և մեկ եկեղեցի:

«Ջահակիր», 22 սեպտեմբերի

Հ Ն Դ Կ Ա Ս Ս Ա Ն

Հնդկաստանի Կալկաթա քաղաքում 1921 թ. գործում էր երկու հայկական դպրոց՝ տղաների մարդասիրական ճեմարանը և Դավթյան օրիորդաց վարժարանը: 1948 թ. այս երկու հաստատությունները միացել են և դարձել մեկ վարժարան, ուր սովորում են 160 աշակերտ: Գաղութում կազմակերպվում են հանդեսներ, տոնախմբություններ, նշվում են տարելիցներ: Այստեղ վերանորոգվել է «Ազդարար»-ի հրատարակիչ Շմավոնյանի թանգարանը:

«Հայրենիքի ձայն», 12 փետրվարի

Թ Ո Ի Ր Ք Ի Ա

Թուրքիայում լույս է տեսել Բարսեղ Թուլլուճյանի Թուրքերեն-անգլերեն բառարանը, որո պարունակում է շուրջ 100000 բառ (1000 էջ):

Թուլլուճյանը հեղինակն է «Անգլերեն-թուրքերեն ոճերի և ասությունների» բառարանի, անգլերեն-լատիներեն և թուրքերեն բժշկական բառարանի, անգլերեն-ֆրանսերեն և թուրքերեն իրավագիտական և տնտեսական բառարանի, որը պարունակում է 80000 բառ:

«Արև», 11 հոկտեմբերի

• • •

Պոլսի Գում-Գարու թաղամասում բացվել է Պողոսյան-Վարվառյան վարժարանը:

«Արարատ», 6 դեկտեմբերի

• • •

Ստամբուլի Ծնայան սանուց միությունը կազմակերպել է համերգ, որտեղ հանդիս է եկել օր. Գոհարիկ Տիրատուրյանը՝ կատարելով Կոմիտասի, Սպենդիարյանի, Տիգրանյանի, Ալեմշահի, Ղազարոսյանի և ուրիշների ստեղծագործությունները:

«Արարատ», 29 դեկտեմբերի

• • •

Պոլսի Ծնայան սանուց միությունը մի քանի ամիս է, ինչ ձեռնարկել է «Կամսար» ամսաթերթի հրատարակությունը:

«Հայրենիքի ձայն», 5 փետրվարի 1967 թ.

Ա Վ Ս Տ Ր Ի Ա

Վիեննայի Մխիթարյան միաբանության արհաճայրն է Մեսրոպ Հապոզյանը: Միաբանության տպարանը հրատարակություններ է տպում 20 լեզուներով: Վիեննայում այժմ ապրում են մոտ 300 հայեր: Այլ երկրներից եկած 70 հայ ուսանողներ սովորում են Վիեննայի համալսարանում:

«Էրարեր», 17 դեկտեմբերի

Ֆ Ր Ա Ն Ս Ի Ա

Փարիզում տեղի է ունեցել Ֆրանսիացիների և հայերի բարեկամությանը նվիրված երեկո: Երեկոյին նախագահել է Ֆ. Ֆեյդին, դասախոսել է Ժ. Քազալյուն: Դասախոսը, հիշելով հայ ժողովրդի պատմական տխուր անցյալը, հատկապես մեծ եղեռնը, կանգ է առել Սովետական Հայաստանի աննախընթաց վերելքի վրա:

«Աշխարհ», 4 հունիսի

• • •

Ալֆորվիլի մունիցիպալ խորհուրդը կազմակերպել է հայկական մշակույթի տոն: Այս կապակցությամբ Հայաստանից հրավիրվել են մի խումբ դերասաններ: Ալֆորվիլի քաղաքագլուխ Ֆրանսեսկին հայտարարել է, որ Ֆրանսիական ժողովուրդը երջանկություն ու բարգավաճում է մաղթում Հայկական ՍՍՀ ժողովրդին և բոլոր հայերին: Նա հաղորդել է, որ Ալֆորվիլի մունիցիպալ խորհրդի որոշմամբ քաղաքի նոր մայրուղիներից մեկը կոչվելու է Նրևանյան:

«Աշխարհ», 8 հոկտեմբերի

• • •

Նոյեմբերի 27-ին Փարիզի Փլեյելի սրահում տոնվել է Սովետական Հայաստանի 46-րդ տարեդարձը: Տոնակատարությանը ներկա էին Սո-

վետական Միության ղեկավար Վ. Զորինը ղեկավարած աշխատակիցների հետ, քաղաքապետներ, Լեոնիդովաններ, զանազան կազմակերպությունների ներկայացուցիչներ, կրոնական ղեկավարությունների, ֆրանսիական մշակութային միության ու ԺԱՖ-ի կենտրոնական վարչության նախագահներ ու անդամներ, ինչպես նաև մամուլի ներկայացուցիչներ:

Հայաստանի մասին րանախոսել են Հ. Շիրինյանը և Տետեյանը: Ողջույնի խոսք է ասել Վ. Զորինը: Սովետական Միության և Սովետական Հայաստանի հանրապետության նախագահների ուղերձները հրապարակել է Արման Լանուն:

Վերջում տրվել է շքեղ համերգ:

«Աշխարհ», 3 դեկտեմբերի

• • •

Ալֆորվիլում գործում է հինգշաբթոյա հայկական դպրոց, որտեղ սովորում են մոտ 90 աշակերտ: Ինը երիտասարդներից կազմված հանձնախումբը նպատակ ունի հայ մանուկներին սովորեցնել հայերեն լեզու ու գրականություն, կազմակերպել տարիկան հանդեսներ և մարզական մրցություններ:

«Հայրենիքի ձայն», 18 դեկտեմբերի

Մ Ո Ն Ա Ի Ո

Մոնակոյում բացված գծանկարների ցուցահանդեսում «Եվրոպայի մրցանակ»-ը շահել է փարիզահայ նկարիչ Ռիշար Ժերանյանը իր «Անտառը» և «Երիտասարդուհին» գործերի համար:

«Արև», 10 օգոստոսի

Ի Տ Ա Լ Ի Ա

«Հայաստանի պատմությունը Ռոթարիի մեջ» խորագրով հոդվածում իտալական «Լա պրովինսիա» օրաթերթը հայտնում է, որ լիբանանահայցի դոկտոր Տիգրան Ալեքսանյանը կարողացել է դասախոսություն հայ ժողովրդի անցյալի և ներկայի մասին, հատկապես հիշեցնելով հիսուն տարի առաջ տեղի ունեցած աննախընթաց ցեղասպանությունը: Իտալացի ունկնդիրները մեծ հետաքրքրությամբ են լսել այս դասախոսությունը:

Աշխարհ», 8 հոկտեմբերի

• • •

Վենետիկում Մեսրոպ Զանալյանի թարգմանությամբ իտալերեն հրատարակվել է Սալա-Նովայի ընտիր երգերի ժողովածուն, իտա-

լացի հայտնի գրաքննադատ Ֆեդերիկո Բենագին հետևյալն է դրել Սայաթ-Նովայի ու նրա այս ժողովածուի մասին. «Մեծահամբավ այդ բանաստեղծի սիրային քնարերգությունը նույնանում է հայկական ժողովրդական երգերի հետ հասնելով արվեստի գերագույն աստիճանին: Կարգավոր այդ երգերը, մարդ մոռանում է նրանս չափը, հանգերը և կառուցվածքը, որովհետև բանաստեղծի գործը և պատկերները այնպիսի ուժ ունեն, որ ընթերցողին ձգում տանում են մի այլ աշխարհ՝ հավերժ չլրմ ու ղյուլական սիրո աշխարհ: ...Մենք՝ իտալացիներս, որ մինչև վերջերս բնավ չէինք լսել սիրո այդ անմահ երգչի անունը, այժմ մեր ձեռքի տակ ունենք նրա սքանչելի երգերը, որոնք դառնում են նաև մեր սեփականությունը»:

«Գրական թերթ», Երևան, 21 հոկտեմբերի

• • •

Իտալական «Պանգե Սերա» թերթը տպագրել է Աննաբելա Ռոսսիի ընդարձակ հոդվածը իտալացի չորս ճարտարապետների Սովետական Հայաստան կատարած այցելության մասին:

«Զարթոնք», 24 նոյեմբերի

• • •

Երիտասարդ պատմաբան-հնագետ, իտալուհի Աննա Լոկարենին մեծ հետաքրքրությամբ դրաշվում է հայոց պատմության և հնագիտության հարցերով: Նա այժմ հետաքրքրվում է Սևանի ավազանի պեղումներով: Նրա խնդրանքով Հայաստանից իրեն ուղարկվել են անհրաժեշտ նյութեր:

«Նոր օր», 20 դեկտեմբերի

Ա Ն Գ Է Ի Ա

Լոնդոնի Հայ տան մեջ հունիսի 10-ին ճարտարապետ Կարպիս Արմենը դասախոսություն է կարդացել հայկական ճարտարապետության մասին:

«Արև», 15 սեպտեմբերի

Ա Վ Ս Ր Ա Լ Ի Ա

Սիդնեյում և Մելբուռնում Զարուհի Դուրխանյանը մի շարք համերգներ է տվել, որոնք անցել են մեծ հաջողությամբ: Տեղական թերթերը գովասանքով են խոսել անվանի երգչուհու կատարողական արվեստի մասին:

«Արարատ», 5 հոկտեմբերի

Ավստրալիայի գաղութում մինչև այժմ լույս էր տեսնում «Լույս» անունով ամսագիրը (Սիդնեյում): Այս տարվա հուլիսից Մելբուռնում սկսեց լույս տեսնել երկրորդ պարբերականը՝ «Հույս» անունով, Ոսկան Գալփարյանի խմբագրությամբ: Թերթի մեծ մասը հայերեն է, փոքր մասը անգլերեն:

«Աշխարհ», 10 դեկտեմբերի

Հ Ա Պ Ո Ն Ի Ա

«Ծաղկանական նոր գրականություն» ամսագրի վերջին համարում զետեղված են Հակոբ Հակոբյանի, Հովհաննես Հովհաննիսյանի, Հովհաննես Թումանյանի, Ավետիք Իսահակյանի, Եղիշե Չարենցի, Նաիրի Չարյանի, Գևորգ Էմինի և Սիլվա Կապուտիկյանի բանաստեղծությունները: Թարգմանիչ Մինոուրա Տացուդին իր ներածականում գրել է. «...Մենք տեղեկացանք, որ հայ ընթերցող հասարակությունը բավական լավ պատկերացում ունի ճապոնական դրական նյութի մասին, ինչ, ցավոք սրտի, չի կարելի ասել նաև մեր մասին հայ գրականության նկատմամբ»:

«Գրական թերթ», Երևան, 21 հոկտեմբերի

Կ Ա Ն Ա Գ Ա

Մոնրեալի համալսարանի հայ ուսանողները կազմել են «Հայ ուսանողական միություն»: Միության գլխավոր նպատակն է այլազգի ուսանողներին ծանոթացնել հայ ժողովրդի, նրա մշակույթի ու պատմական անցյալի հետ:

«Լրաբեր», 9 օգոստոսի

• • •

Մոնրեալի Թերեյան Մշակութային միության թատերական հանձնախումբը նոյեմբերի 20-ին ներկայացրել է Հակոբ Պարոնյանի «Պաղտասար աղբար»-ը: Ներկայացումն անցել է հաջողությամբ:

«Պայքար», 6 դեկտեմբերի

Ա Ր Գ Ե Ն Տ Ի Ն Ա

Բուենոս-Այրեսում վերջին երեք տարիների ընթացքում իսպաներեն թարգմանվել և լույս են տեսել մի շարք գրքեր՝ նվիրված հայ ժողովրդի պատմությանը: Այսպես, օրինակ, 1965 թ. հրատարակվել է փարիզահայ մտավորական Հրանդ Թորոսյանի «Հայ դատը», նայիմ բեյի և Արամ Անտոնյանի «Պաշտոնական թրքական վավերագրեր 1915-ի հայկական ջարդերու մա-

սին», Աշոտ Արծրունու «Հայաստան և Հայոց պատմությունը» գրքերը:

«Արև», 10 օգոստոսի

• • •

Բուենոս-Այրեսում օգոստոսի 12-ին Արսլանյան ազգ. վարժարանում Հայ համալսարանականների միության նախաձեռնությամբ տեղի է ունեցել «Հայոց պատմության» դասընթացի առաջին դասախոսությունը: Դասախոսությունը կարդացել է Ռուրեն Արծրունին, իսպաներեն, ներկայացնելով հայ ժողովրդի ծագումը և զարգացումը մինչև V դարը:

«Ջահակիր», 8 սեպտեմբերի

• • •

Բուենոս-Այրեսում հոկտեմբերի 1-ին բացվել է հայկական առաջին գրավաճառատունը «Հայ համալսարանականներու միության նախաձեռնությամբ»: Գրատան մեջ ցուցադրվել են հայկական թերթեր ու գրքեր:

«Սևան», 12 հոկտեմբերի

• • •

Բուենոս-Այրեսում Արսլանյան ազգային վարժարանի սրահում տեղի է ունեցել արվեստագիտուհի Անթառամ Ահարոնյանի դասախոսությունը (իսպաներեն) հայկական արդի երաժրշտության մասին:

«Շարժում», 19 նոյեմբերի

• • •

Բուենոս-Այրեսի Օդեոն մեծ թատրոնում տեղի է ունեցել հայկական պարարվեստի ու երգի երեկու: Ելույթ են ունեցել «Գայանն» պարի անսամբլը և «Երևան» նվագախումբը:

«Հայրենիքի ձայն», 25 դեկտեմբերի

Բ Բ Ա Ջ Ի Լ Ի Ա

Սան-Պաուլոյի պետական թատրոնում հոկտեմբերի 22-ին տեղի է ունեցել Գոհար Գասպարյանի համերգը, որն անցել է մեծ հաջողությամբ:

«Ջարթոնք», 26 նոյեմբերի

Ջ Ի Լ Ի

Սանտ-Յագոյում այժմ ապրում են 500 հայեր, որոնցից երկու երրորդը Պադեստինից գաղթած արարախոս հայեր են: Գաղութը ունի Հայ տուն, Կիրակնօրյա վարժարան, որը հիմնվել է 1960 թ. Գաղութի մեծ մասը բալուցիներ են:

«Ջահակիր», 22 սեպտեմբերի

Հ Ա Բ Ա Վ Ա Յ Ի Ն Ա Մ Ե Բ Ի Կ Ա

Գոհար Գասպարյանը համերգաշարով հանդես է եկել Հարավային Ամերիկայում: Բրազիլիայի, Ուրուգվայի և Արգենտինայի խոշորագույն քաղաքներում ունեցած ելույթների մասին ծավալուն քննադատականներ են զետեղել գրեթե բոլոր հեղինակավոր թերթերը:

«Լրաբեր», 3 հունվարի

Ա Մ Ն

Լոս-Անջելոսում հոկտեմբերի 14-ին տեղի է ունեցել դոկտ. Արա Ավագյանի դասախոսությունը (անգլերեն) «Աշխարհագրություն Հին Հայաստանի» նյութի շուրջը: Դասախոսությունը կազմակերպել է Լոս-Անջելոսի Հայ երիտասարդաց մշակութային միությունը:

«Նոր օր», 31 հոկտեմբերի

• • •

Նյու-Յորքում հոկտեմբերի 16-ին Հայ գրականության բարեկամների միությունը տոնեց իր հիմնադրման տասնամյակը:

«Լրաբեր», 12 նոյեմբերի

• • •

Նյու-Յորքի Կառնեգի Հոլում տեղի է ունեցել երգչուհի Գ. Պերպերյանի համերգը: Նա միջադրային համրավ է վայելում որպես ժամանակակից երգերի կատարող: Նյու-Յորքի ամերիկյան հայտնի թերթերի երաժշտական քննադատները գովեստով են արտահայտվել Պերպերյանի կատարողական արվեստի մասին:

«Պայքար», 2 նոյեմբերի

• • •

Նոյեմբերի 27-ին Լոս-Անջելոսում հանկարծամահ է եղել ականավոր գյուղագիր Համաստեղը (Համարձում Կելենյանը): Նրա ստեղծագործություններից նշանավորներն են «Գյուղը», «Սպիտակ ձիավորը», «Աղոթարան»-ը, «Այծետոմար»-ը, «Քաջ նազար»-ը և այլն:

«Լրաբեր», 3 դեկտեմբերի

• • •

Ամերիկահայ ականավոր կոմպոզիտոր Ալան Հովհաննեսի «Պիղատոս» նոր օպերան մեծ հաջողությամբ ներկայացվել է Լոս-Անջելոսում:

«Սրևան», 9 դեկտեմբերի

Սովետական Հայաստանի 46-րդ տարեդարձը մեծ հանդիսավորությամբ տոնվել է Նյու-Յորքում, Ֆրեզնոյում, Լոս-Անջելոսում, Դետրոյտում, Ֆիլադելֆիայում, Բոստոնում:

«Լրաբեր», 20, 24 դեկտեմբերի

Նյու-Յորքում լույս տեսնող «Լրաբեր»-ը դրում է, թե 1966 թ. դեկտեմբերի 1-ի տվյալներով հայերի թիվն աշխարհում հեղեղալ պատկերն ունի:

1. Հայկական ՍՍՀ	2030000
2. Ադրբեջանական ՍՍՀ	560000
3. Վրացական ՍՍՀ	550000
4. ՌՍՖՍՀ	330000
5. Ա Մ Ն	450000
6. Ավստրալիա	15000
7. Ավստրիա	300
8. Արգենտինա	70000
9. Բրազիլիա	27000
10. Բուլղարիա	25000

11. Եգիպտոս	22000
12. Եթովպիա	1000
13. Թուրքիա	250000
14. Իտալիա	1500
15. Իրան	200000
16. Իրաք	30000
17. Լիբանան	180000
18. Կիպրոս	3500
19. Հնդկաստան	800
20. Հորդանան	10000
21. Հունաստան	11000
22. Զիլի	4000
23. Ռումինիա	8000
24. Սիրիա	150000
25. Սուդան	1000
26. Ուրուգվայ	15000
27. Քուվեյթ	7000
28. Ֆրանսիա	200000
29. Մնացած երկրներում և ՍՍՀՄ մյ հանրապետություններում՝	347900

Ընդամենը 5500000

«Լրաբեր», 28 հունվարի 1967 թ.

Ն. ՎԱՐԴԱՆՅԱՆ